



## Қазақстан Республикасы Конституциясының 20 жылдығы құрметіне арналған мерекелік медаль туралы

Қазақстан Республикасы Президентінің 2015 жылғы 24 ақпандағы № 1015 Жарлығы  
Қ а з а қ с т а н Р е с п у б л и к а с ы  
Президенті мен Үкіметі актілерінің  
жинағында және республикалық  
баспасөзде жариялануға тиіс

Қазақстан Республикасы Конституциясының ұлықтығын қамтамасыз етуге, конституциялық негіздерінің қалыптасуы мен дамуына, азаматтардың конституциялық құқықтарын қорғауға елеулі үлес қосқан Қазақстан Республикасының азаматтары мен шетел азаматтарын көтермелеу мақсатында, сондай-ақ Қазақстан Республикасы Конституциясының 20 жылдығының құрметіне **ҚАУЛЫ ЕТЕМІН:**

1. «Қазақстан Конституциясына 20 жыл» мерекелік медалі тағайындалсын.

2 . М ы н а л а р :

1) «Қазақстан Конституциясына 20 жыл» мерекелік медалімен наградтау  
қ а ғ и д а л а р ы ;

2) «Қазақстан Конституциясына 20 жыл» мерекелік медалінің сипаттамасы  
б е к і т і л с і н .

3. Осы Жарлық қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті *Н.Назарбаев*

Қ а з а қ с т а н Р е с п у б л и к а с ы

Президентінің

2015 жылғы 24

ақпандағы

№ 1015 Ж а р л ы ғ ы м е н

БЕКІТІЛГЕН

## «Қазақстан Конституциясына 20 жыл» мерекелік медалімен наградтау ҚАҒИДАЛАРЫ

1. Осы Қағидалар «Қазақстан Конституциясына 20 жыл» мерекелік медалімен ( бұдан әрі - мерекелік медаль) наградтау тәртібін регламенттейді.

2. Мерекелік медальмен Қазақстан Республикасы Конституциясының ұлықтығын қамтамасыз етуге, елдің тәуелсіздігін, Қазақстан қоғамындағы келісім мен тұрақтылықты нығайтуға, азаматтардың конституциялық құқықтарын қорғауға, конституционализм идеялары мен қағидаттарының қалыптасуы мен дамуына салмақты

үлес қосқан Қазақстан Республикасының азаматтары және шетел азаматтары  
н а г р а д т а л а д ы .

3. Мерекелік медальмен наградтауға ұсынуларды Қазақстан Республикасының Президентіне Қазақстан Республикасы Парламентінің палаталары, Үкіметі, Конституциялық Кеңесі, Жоғарғы Соты, министрліктері, өзге де орталық мемлекеттік органдары, Астана және Алматы қалаларының, облыстардың әкімдері, сондай-ақ қоғамдық бірлестіктер енгізеді.

4. Мерекелік медальды Қазақстан Республикасының Президенті тапсырады.  
Мерекелік медальды Қазақстан Республикасы Президентінің атынан және оның тапсырмасы бойынша:

1) Қазақстан Республикасының Мемлекеттік хатшысы;  
2) Астана және Алматы қалаларының, облыстардың әкімдері, сондай-ақ Мемлекет басшысы өкілеттік берген өзге лауазымды адамдар да тапсыра алады.

5. Мерекелік медальды тапсыру салтанатты жағдайда жүргізіледі және наградталушының жеке өзіне тапсырылады. Тапсыру алдында Қазақстан Республикасы Президентінің наградтау туралы Жарлығы жария етіледі.

6. Наградталған адамға медальмен бірге, белгіленген үлгідегі куәлік тапсырылады.

7. Мерекелік медаль кеуденің сол жағына тағылады. Қазақстан Республикасының мемлекеттік наградалары болған жағдайда олардан кейін орналастырылады.

8. Мерекелік медальдың тапсырылғандығы туралы наградтауға арналған тізімге тиісті жазба жасалады.

Тапсырылмаған медальдар мен олардың куәліктері, қайтарылу себептері көрсетіле отырып, Қазақстан Республикасы Президенті Іс басқармасының Ордендер қоймасына қайтарылады, бұл туралы тізімдерге тиісті белгі қойылады.

Жүргізілген наградтаулардың есебін, сондай-ақ мерекелік медальдардың тапсырылу барысы туралы есептілікті Қазақстан Республикасы Президентінің Әкімшілігі жүргізеді.

Қ а з а қ с т а н Р е с п у б л и к а с ы  
П р е з и д е н т і н і ң  
2 0 1 5 ж ы л ғы 2 4 а қ п а н д а ғы  
№ 1 0 1 5 Ж а р л ы ғы м е н  
БЕКІТІЛГЕН

## **"Қазақстан Конституциясына 20 жыл" мерекелік медалінің СИПАТТАМАСЫ**

«Қазақстан Конституциясына 20 жыл» мерекелік медалі жезден жасалады.

Шеңбер диаметрі 34 мм болатын дұрыс дөңгелек нысанында болады.

Шеңбердегі барлық бейнелер мен жазулар шығыңқы. Медальдың қырлары жақтаушамен көмкерілген.

Медальдың бет жағында (аверсте) жиектің үстін бойлай отырып, «ҚАЗАҚСТАН КОНСТИТУЦИЯСЫНА» деген сөздер шығыңқы жазылған.

Аверстің ортасында дөңгелек орналасқан. Дөңгелектің ішінде, жоғарғы бөлігінде Қазақстан Республикасының Мемлекеттік Елтаңбасы, төменгі бөлігінде Қазақстан Республикасының Конституциясын бейнелейтін, «20 жыл» деген екі жол мәтіні бар, бедерлі ашық кітап орналасқан. Аверстің түсі жылтыр, бедері шығыңқы күңгірттендірілген.

Медальдың сыртқы жағының (реверстің) ортасында қазақтың ұлттық ою-өрнегі орналасқан. Реверстің төменгі бөлігінде «1995-2015» деген цифрлар жазылған. Ою-өрнек пен цифрлар астындағы бет күңгірттендірілген. Цифрлар мен ою-өрнек шығыңқы жылтыр.

«Қазақстан Конституциясына 20 жыл» мерекелік медалі құлақша мен шығыршық арқылы, ені 32 мм және биіктігі 50 мм алтыбұрышты нысандағы тағанмен жалғанады. Таған ақ түсті төрт жолағы бар, Қазақстан Республикасының Мемлекеттік Туы түстес қатқыл жібек лентамен қапталған. Лентаның жиектерінде әр жағынан 3 мм шегініспен ені 4 мм болатын бір-бір жолақ және олардың ортасында ені 2 мм болатын, арасы ашық екі орталық жолақ орналасады.

Медаль киімге түйреуіштің көмегімен бекітіледі.